



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDLXVII.

urn:nbn:de:hbz:466:1-42840

ANNO MDLXVII.

170 Hoc anno 4. Martij obiit P. Emanuel Mio-
na. hic præter eas quas noctu ad B. V. fundebat,
preces, à mensa ad conclave suum redux, pias diei
reliquæ occupationes à Deiparæ Virginis officio,
quod senex lentè in cubiculo inambulans recitabat,
auspicabatur: alijs quoque precationibus, & occu-
pationibus suis frequentem cæli Reginæ salutatio-
nem interserens. Aliquot ante migrationem diebus,
inquit Sacchinus, cum in eius cubiculo causa nul-
la odoris neque ab morbo, neque ab senectute ho-
minis, neque à ministrorum cura esset; adeò tamen
ex ipsomet decumbente suavis affatus odor dicitur,
vt vehementer qui aderant mirarentur. Nec est pro-
morte, secundum CHRISTVM, consolatio nobis
maior aut suavior quam Deiparæ patrocinium.
Hæc B. Ioanni DEI morienti sudorè è fronte absterfit.
Huic ergò par est vt nos quotidie pro illa hora com-
mendemus: *In pulchritudine pacis*, inquit ad hanc
S. Bonaventura, & *requie opulenta cibabis nos post labo-
rem peregrinationis nostræ.*

ANNO MDLXVIII.

171 B. Stanislaus Kostka Polonus Romæ no-
ctè inter 14. & 15. Aug. mediâ hoc anno extinctus, li-
teris operâ nauans Viennæ Austriæ semper habebat
manus occupatas rosario aut libellis Deiparentis
potissimum laudes continentibus. Scholasticè quoque
exercitationis argumenta pia illi erant; & potissimum
laudes eiusdem augustissimæ DEI Matris. Laudent il-
lam nostra studia; & ingenium cote tam nobilis ma-
teriæ acuat. Meminerimus eius quod S. Casimirus,
Polonus & ipse, in quotidiano illo suo hymno dixit:
*Quamuis sciam quod Mariam nemo dignè predicet, Vanus
tamen & insanus est qui illam reticet.*

Tam

Off. B. V.
attentè
recitare.

Vid. plura
in Sacch.
nu. 91. et
25. de
P. Goëz.

In eius
vita.

Vide In-
cir. Grac.
n. 27.
Psal. 9.

Assumpt.
B. V.
Manus
habere
occupa-
tas rosar.
libellis.
Mar.
De illa
componere
Scholasticas
exercita-
tiones.